

TÍTULO VIII

TRANSFORMACIÓN E DISOLUCIÓN DO COLEXIO

Artigo 61º.-*Segregación, absorción, fusión ou disolución do Colexio.*

1. A segregación, absorción, fusión ou disolución do Colexio só poderá tratarse en Asemblea Xeral extraordinaria convocada para tal efecto. Quedará validamente constituída cando asistan en primeira, ou de ser o caso, segunda convocatoria, o 50 por cento dos/as colexiados/as con dereito a voto no momento da convocatoria.

2. Exixirase maioría cualificada para a aprobación dunha segregación, absorción, fusión ou disolución do Colexio, e non se admitirá voto delegado nin por correo.

3. A absorción, fusión, segregación ou disolución deberá ser aprobada mediante decreto ou lei de conformidade cos artigos 14, 15 e 29 da Lei 11/2001, do 18 de setembro, de colexios profesionais da Comunidade Autónoma de Galicia.

4. En caso de disolución do Colexio, a Xunta de Goberno actuará como comisión liquidadora, sometendo á Asemblea Xeral a proposta de destino dos bens sobrantes, unha vez liquidadas as obrigas pendentes, adxudicándollos a calquera entidade non lucrativa que cumpra funcións relacionadas cos fins do Colexio.

Disposición adicional

Primeira.-*Sociedades profesionais.*

O/a enxeñeiro/a en informática que exerza como profesional liberal pode desempeñar a súa actividade como persoa física, ou ben a través dunha sociedade profesional, para o que se deberá inscribir no Rexistro Colexial de Asociacións Profesionais, en cumprimento da Lei 2/2007, do 15 de marzo, de sociedades profesionais.

Decreto 113/2008, do 22 de maio, polo que se aproba o cambio de denominación do Colexio Oficial de Axentes e Comisionistas de Aduanas da Coruña, que pasa a denominarse Colexio Oficial de Axentes e Comisionistas de Aduanas da Coruña e Lugo.

De acordo co establecido no artigo 150.2º da Constitución española, a Lei orgánica 16/1995, do 27 de decembro, de transferencia de competencias á Comunidade Autónoma galega, transfere no marco da lexislación básica do Estado, o desenvolvemento lexislativo e a execución en materia de corporacións de dereito público representativas de intereses económicos e profesionais, complementando así o ámbito competencial determinado no artigo 27.2º do Estatuto de autonomía de Galicia.

A transferencia en materia de colexios oficiais ou profesionais fíxose efectiva a través do Real decreto 1643/1996, do 5 de xullo, e asumíuse polo Decreto 337/1996, do 13 de setembro, da Xunta de Galicia.

O artigo 13.3º da Lei 11/2001, do 18 de setembro, de colexios profesionais da Comunidade Autónoma de Galicia, ditada en virtude da devandita competencia, faculta a Administración autonómica para iniciar o cambio de denominación dun colexio profesional. A aprobación do cambio de denominación dun colexio profesional realizarase por medio de decreto do Consello da Xunta de Galicia. O cambio prodúcese como consecuencia da necesaria adaptación da denominación do colexio profesional ao ámbito territorial vixente, que é o das provincias da Coruña e Lugo. O colexio afectado non efectuou alegacións á iniciativa do cambio.

Tendo en conta o exposto, en virtude do uso da competencia atribuída polo artigo 34.5º da Lei 1/1983, do 22 de febreiro, por proposta do conselleiro de Presidencia, Administracións Públicas e Xustiza e logo da deliberación do Consello da Xunta na súa reunión do vinte e dous de maio de dous mil oito,

DISPOÑO:

Artigo único.-Cambio de denominación.

Aproba o cambio de denominación do Colexio Oficial de Axentes e Comisionistas de Aduanas da Coruña, que pasa a denominarse Colexio Oficial de Axentes e Comisionistas de Aduanas da Coruña e Lugo.

Disposición derradeira

Este decreto entrará en vigor o día seguinte ao da súa publicación no *Diario Oficial de Galicia*.

Santiago de Compostela, vinte e dous de maio de dous mil oito.

Emilio Pérez Touriño
Presidente

José Luis Méndez Romeu
Conselleiro de Presidencia, Administracións
Públicas e Xustiza

**CONSELLERÍA DE EDUCACIÓN
E ORDENACIÓN UNIVERSITARIA**

Resolución do 26 de maio de 2008, da Dirección Xeral de Formación Profesional e Ensinanzas Especiais, pola que se convocan probas de acceso ás ensinanzas deportivas para o curso 2008-2009.

A Lei orgánica 2/2006, do 3 de maio, de educación, no seu artigo 3, integra as ensinanzas deporti-

vas dentro do sistema educativo como ensinanzas de réxime especial. Así mesmo, no capítulo VIII do título I, fixa os principios xerais que as rexerán e atribúelles ás administracións educativas o establecemento do currículo das distintas ensinanzas do cal formarán parte os aspectos básicos fixados polo Goberno.

O Real decreto 1363/2007, do 24 de outubro, polo que se establece a ordenación xeral das ensinanzas deportivas de réxime especial, preceptúa nas súas disposicións transitorias segunda e terceira a vixencia temporal das ensinanzas establecidas ao abeiro do Real decreto 1913/1997, do 19 de decembro, e das normas de desenvolvemento das ensinanzas deportivas previstas no Real decreto 1913/1997, agás nos aspectos que nesas disposicións transitorias se indican e, concretamente, a vixencia, entre outras, da Orde ECD/3310/2002, do 16 de decembro, e da Orde ECD/454/2002, do 22 de febreiro.

A Orde do 24 de marzo de 2003, da Consellería de Educación e Ordenación Universitaria, regula no ámbito de Galicia as probas de madurez e as de carácter específico para acceder ás ensinanzas deportivas conducentes ás titulacións establecidas polo Real decreto 1913/1997, así como á formación deportiva prevista na Orde ECD/3310/2002, e nela autorízase a Dirección Xeral de Formación Profesional e Ensinanzas Especiais para coordinar as probas e os criterios de avaliación, así como para ditar as instrucións necesarias para o desenvolvemento e a aplicación do previsto nesa orde.

Por todo o exposto, esta dirección xeral resolve convocar as probas de acceso ás ensinanzas deportivas para o curso 2008-2009, que se rexerán polas seguintes instrucións:

I. Modalidades de acceso.

1. Acceso ás ensinanzas deportivas de grao medio.

Terá acceso ao grao medio das ensinanzas deportivas o alumnado que cumpra calquera dos seguintes requisitos:

a) Dispor do título de graduado en educación secundaria, ou equivalente para efectos académicos, e superar unha proba específica. Para o acceso ao segundo nivel de grao medio, ter superados os estudos do primeiro nivel na correspondente modalidade ou especialidade deportiva.

b) O alumnado que non dispoña do título de graduado en educación secundaria, ou equivalente para efectos académicos, deberá ter cumpridos os 17 anos e superar a proba de madurez que se establece no anexo III desta resolución, ademais da correspondente proba específica.

c) A proba de madurez poderase substituír pola proba de acceso á formación profesional de grao medio.

2. Acceso ás ensinanzas deportivas de grao superior.

Terá acceso ao grao superior das ensinanzas deportivas o alumnado que cumpra os seguintes requisitos:

a) Dispor do título de técnico deportivo na modalidade ou especialidade deportiva correspondente, ter o título de bacharel, ou equivalente para efectos aca-

démicos, e cumprir cos requisitos relativos á experiencia deportiva que se puidesen establecer na especialidade ou modalidade correspondente.

b) O alumnado que non posúa o título de bacharel, ou equivalente para efectos académicos, deberá ter cumpridos os 18 anos e superar unha proba de madurez que se establece no anexo III desta resolución.

Tanto nun como noutro caso, a idade mínima establecida deberá cumprirse dentro do ano natural de realización da proba.

c) A proba de madurez poderase substituír pola parte común da proba de acceso á formación profesional de grao superior.

II. Inscripción para as probas.

1. A inscrición farase na secretaría dos centros públicos en que se imparta a correspondente ensinanza deportiva, no prazo comprendido entre o día seguinte ao da publicación da convocatoria no DOG e o día 9 de setembro de 2008, segundo o modelo dos anexos que proceda. Para tal fin, os centros docentes deberán expor nos seus taboleiros de anuncios o seguinte:

a) Normativa reguladora da admisión do alumnado.

b) Calendario de publicación da relación de alumnado admitido, así como dos prazos para presentar reclamacións.

c) Calendario e normas para formalizar a matrícula.

2. Para a formalización das solicitudes de inscrición para as probas, os centros facilitaranlles ás persoas interesadas o modelo que se xunta como anexo I ou II a esta resolución. Unha vez cuberto, entregarase unha única instancia na secretaría do centro, xunto coa documentación que proceda, segundo o caso, para a acreditación dos datos consignados:

-Fotocopia do DNI, NIE, pasaporte ou documento de identidade da Unión Europea.

-Título de ESO ou bacharel, ou certificación académica en que figure ter realizado o depósito do correspondente título, ou libro de cualificacións de ESO ou de bacharelato.

-Certificado de estudos do ciclo formativo en que figuren as cualificacións das materias cursadas e ter realizado o depósito do correspondente título ou o libro de cualificacións do ciclo formativo.

-Certificado da proba de madurez de acceso ás ensinanzas deportivas.

-Certificación que acredita a superación das probas de acceso á formación profesional de grao medio.

-Certificación que acredita a superación da parte común da proba de acceso á formación profesional de grao superior.

-Certificación de méritos deportivos expedida pola federación española ou autonómica correspondente.

3. As persoas solicitantes da exención prevista no punto décimo da Orde do 24 de marzo de 2003 xuntarán o certificado de acceso á universidade para maiores de 25 anos, onde conste a opción efectuada

e a puntuación conseguida. A resolución sobre a exención correspóndelle ao tribunal avaliador.

4. As persoas solicitantes que aleguen mérito deportivo xuntarán o documento acreditativo da condición de deportista de alto nivel na correspondente modalidade ou especialidade, emitido polo órgano competente en materia deportiva. A resolución sobre a exención correspóndelle ao tribunal avaliador.

5. No caso dos aspirantes con discapacidade que soliciten adaptación nas probas de madurez e de carácter específico para o acceso ás ensinanzas deportivas deberán acreditar o grao de discapacidade mediante un certificado emitido polo Instituto de Maiores e Servizos Sociais (Imsero) ou o órgano competente das comunidades autónomas.

Co obxecto de garantir a eficacia da formación e o posterior exercicio das competencias profesionais inherentes ao título, o tribunal avaliará o grao de discapacidade e as limitacións que comporte para poder cursar con aproveitamento as ensinanzas e, de ser o caso, adaptará os requisitos e as probas de acceso que deban superar as persoas aspirantes que, en todo caso, deberán respectar o esencial dos obxectivos fixados no Real decreto 1363/2007 e das ensinanzas mínimas da modalidade ou especialidade deportiva correspondente.

6. Volante de inscrición condicional, en caso de alegar titulacións obtidas no estranxeiro, segundo o modelo recollido como anexo II na Orde ECD/3305/2002, do 16 de decembro, pola que se modifican as do 14 de marzo de 1988 e do 30 de abril de 1996, para a aplicación do disposto no Real decreto 104/1988, do 29 de xaneiro, sobre homologación e validación de títulos e estudos estranxeiros de educación non universitaria (BOE do 28 de decembro).

7. Os centros onde se realice a inscrición terán de prazo ata o día 12 de setembro de 2008 para enviarlle á Dirección Xeral de Formación Profesional e Ensinanzas Especiais as relacións de persoas inscritas para realizar as probas de acceso, xunto coa documentación presentada, en que deberán constar expresamente as persoas que solicitan exención das probas ou probas adaptadas.

8. A relación provisoria de persoas inscritas será exposta no taboleiro de anuncios dos centros onde se realizara a inscrición a partir do día 11 de setembro de 2008.

9. A relación definitiva de persoas inscritas expóñase o día 15 de setembro de 2008 no centro onde se vaian celebrar as probas, así como no portal educativo da Consellería de Educación e Ordenación Universitaria <http://www.edu.xunta.es/ea>.

III. Desenvolvemento das probas.

1. A proba de madurez realizarase segundo figura no anexo III desta resolución e terá lugar no IES As Fontiñas, en Santiago de Compostela, no día e nas horas que se indican a seguir:

a) Grao medio. Proba de madurez: 17 de setembro.

Lingua galega e literatura: das 9.00 ás 10.00 horas.

Lingua castelá e literatura: das 10.00 ás 11.00 horas.

Sociocultural: das 11.30 ás 12.30 horas.

Científico-tecnolóxico: das 12.30 ás 13.30 horas.

b) Grao superior. Proba de madurez: 17 de setembro.

Lingua galega e literatura: das 9.00 ás 10.00 horas.

Lingua castelá e literatura: das 10.00 ás 11.00 horas.

Lingua estranxeira (opción de inglés ou francés): das 11.30 ás 12.30 horas.

Matemáticas (sobre contidos comúns ás matemáticas e ás matemáticas aplicadas ás ciencias sociais): das 12.30 ás 14.00 horas.

2. A proba de acceso específica para as titulacións de técnicos deportivos realizarase:

-Na modalidade de baloncesto terá lugar no CIFP Rodolfo Ucha Piñeiro en Ferrol, o día 19 de setembro das 9.00 ás 15.00 horas.

-Na modalidade de fútbol sala terá lugar no IES As Lagoas en Ourense, o día 22 de setembro das 9.00 ás 15.00 horas.

-Na modalidade de atletismo terá lugar no IES Nosa Señora dos Ollos Grandes en Lugo, o día 23 de setembro das 9.00 ás 15.00 horas.

-Na modalidade de fútbol terá lugar no IES Cruceiro Baleares en Culleredo, o día 24 de setembro das 9.00 ás 15.00 horas.

-Na modalidade de balonmán terá lugar no CIFP Politécnico de Santiago, en Santiago de Compostela, o día 25 de setembro das 9.00 ás 15.00 horas.

Calquera posible variación sobre este calendario requirirá a autorización expresa da Dirección Xeral de Formación Profesional e Ensinanzas Especiais, por ser o centro directivo habilitado para coordinar estas probas e os seus criterios de avaliación.

IV. Tribunais das probas.

Os tribunais constituiranse de acordo co descrito nos respectivos decretos polos que se establecen os currículos das modalidades ou especialidades correspondentes, tal como figuran nos anexos IV e V desta resolución.

V. Reclamacións.

Contra as cualificacións provisionais das probas de acceso poderase presentar reclamación ante o presidente ou a presidenta do tribunal durante os dous días hábiles seguintes ao da súa publicación.

Contra as resolucións das reclamacións, a persoa interesada poderá interpor recurso de alzada no prazo dun mes, ante o delegado ou a delegada provincial da Consellería de Educación e Ordenación Universitaria da provincia en que se ditase a resolución recorrida. A resolución deste recurso porá fin á vía administrativa.

Santiago de Compostela, 26 de maio de 2008.

Antonio Vázquez Vázquez
Director xeral de Formación Profesional
e Ensinanzas Especiais



XUNTA DE GALICIA
CONSELLERÍA DE EDUCACIÓN
E ORDENACIÓN UNIVERSITARIA

ANEXO I

PROCEDEMENTO SOLICITUDE DE ADMISIÓN ÁS ENSEÑANZAS DEPORTIVAS DE GRAO MEDIO	CÓDIGO DO PROCEDEMENTO ED318B	DOCUMENTO SOLICITUDE
--	---	--------------------------------

DATOS PERSOAIS DO/A SOLICITANTE

PRIMEIRO APELIDO	SEGUNDO APELIDO	NOME	NIF	DATA DE NACEMENTO
ENDEREZO			PROVINCIA	
CONCELLO	LOCALIDADE	CÓDIGO POSTAL	TELÉFONO	

EXPÓN: Que cumpre o requisito de acceso

- 1.- Título de graduado en educación secundaria ou equivalente para efectos académicos.
 2.- Proba de madurez.
 3.- Proba de acceso á formación profesional de grao medio.
 4.- PAU para maiores de 25 anos.
 5.- Proba específica.

Xunta a seguinte documentación acreditativa (fotocopia cotexada)

- DNI, NIE, pasaporte ou documento de identidade doutro Estado da Unión Europea.
 Certificación académica na cal conste o expediente académico e o depósito do título.
 Certificado de superación da proba de madurez.
 Certificado de superación das probas de acceso á formación profesional de grao medio.
 Certificado de superación da proba de acceso á universidade para maiores de 25 anos.
 Certificado do recoñecemento do grao de minusvalidez (en caso de persoas con discapacidade).
 Resolución personalizada da Consellería de Cultura e Deporte pola cal quen solicita obtén a consideración de deportista galego de alto nivel ou alto rendemento.
 Resolución personalizada do Consello Superior de Deportes pola cal quen solicita obtén a consideración de deportista nacional de alto nivel ou alto rendemento.
 Volante de inscrición condicional (só para titulacións obtidas no estranxeiro).

SOLICITA: ser admitido/a para o curso escolar / como alumno/a para cursar, por orde de preferencia, os estudos seguintes (1):

CENTRO EDUCATIVO	CICLO FORMATIVO	LOCALIDADE (provincia)

(1) A posta en funcionamento destes estudos estará condicionada á existencia dun mínimo de 10 alumnos/as, non se cuantificará para estes efectos o alumnado repetidor

Quen abaixo asina DECLARA QUE:

Dá expresamente o seu consentimento á consellería para que, de acordo co establecido nos puntos 3º e 4º do artigo 13 da Lei 4/2006, do 30 de xuño, de transparencia e de boas prácticas na Administración pública, e no Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006, publique as subvencións concedidas ao abeiro desta orde e resolución no *Diario Oficial de Galicia*, na súa páxina web oficial e nos rexistros públicos referidos, con expresión da entidade beneficiaria, a contía e a súa finalidade, na forma que determine o órgano competente.

LEXISLACIÓN APLICABLE

- Orde do 24 de marzo de 2003 pola que se regulan para a Comunidade Autónoma de Galicia as probas de madurez e de carácter específico para o acceso a estas ensinanzas.
 - Resolución do 26 de maio de 2008, da Dirección Xeral de Formación Profesional e Ensinanzas Especiais, pola que se convocan probas de acceso ás ensinanzas deportivas para o curso 2008-2009.

SINATURA DO/DA SOLICITANTE OU PERSOA QUE O REPRESENTA

Lugar e data

, de de 200

(Para cubrir pola Administración)

RECIBIDO

REVISADO E CONFORME

NÚMERO DE EXPEDIENTE

DATA DE ENTRADA

DATA DE EFECTOS

DATA DE SAÍDA

Director do centro



XUNTA DE GALICIA
 CONSELLERÍA DE EDUCACIÓN
 E ORDENACIÓN UNIVERSITARIA

ANEXO II

PROCEDIMENTO SOLICITUDE DE ADMISIÓN ÁS ENSEINANZAS DEPORTIVAS DE GRAO SUPERIOR	CÓDIGO DO PROCEDIMENTO ED318A	DOCUMENTO SOLICITUDE
--	---	--------------------------------

DATOS PERSOAIS DO/A SOLICITANTE

PRIMEIRO APELIDO	SEGUNDO APELIDO	NOME	NIF	DATA DE NACEMENTO
ENDEREZO			PROVINCIA	
CONCELLO	LOCALIDADE	CÓDIGO POSTAL	TELÉFONO	

EXPÓN: Que cumpre o requisito de acceso

- 1.- Técnico deportivo da mesma modalidade ou especialidade.
- 2.- Título de bacharelato ou equivalente para efectos académicos.
- 3.- Requisitos relativos a experiencia deportiva, se for o caso.
- 4.- Proba de madurez.
- 5.- Proba da parte común de acceso á formación profesional de grao superior.
- 6.- PAU para maiores de 25 anos.

Xunta a seguinte documentación acreditativa (fotocopia cotexada)

- DNI, NIE, pasaporte ou documento de identidade doutro Estado da Unión Europea.
- Certificación académica na cal conste o expediente académico e o depósito do título alegado para o acceso.
- Certificación académica na cal conste o expediente académico e o depósito do título de técnico deportivo alegado para o acceso.
- Certificación expedida pola federación española ou autonómica correspondente, se for o caso.
- Certificado de superación da proba de acceso á universidade para maiores de 25 anos.
- Certificado de superación da proba de madurez de acceso ao grao superior.
- Certificado de superación da parte común da proba de acceso á formación profesional de grao superior.
- Certificado do recoñecemento do grao de minusvalidez (en caso de persoas con discapacidade).
- Resolución personalizada da Consellería de Cultura e Deporte pola cal quen solicita obtén a consideración de deportista galego de alto nivel.
- Resolución personalizada do Consello Superior de Deportes pola cal quen solicita obtén a consideración de deportista nacional de alto nivel.
- Volante de inscrición condicional (só para titulacións obtidas no estranxeiro).

SOLICITA: ser admitido/a para o curso escolar / como alumno/a para cursar, por orde de preferencia, os estudos seguintes (1):

CENTRO EDUCATIVO	CICLO FORMATIVO	LOCALIDADE (provincia)

(1) A posta en funcionamento destes estudos estará condicionada á existencia dun mínimo de 10 alumnos/as; non se cuantificará para estes efectos o alumnado repetidor

Quen abaixo asina DECLARA QUE:

Dá expresamente o seu consentimento á consellería para que, de acordo co establecido nos puntos 3º e 4º do artigo 13 da Lei 4/2006, do 30 de xuño, de transparencia e de boas prácticas na Administración pública, e no Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006, publique as subvencións concedidas ao abeiro desta orde e resolución no *Diario Oficial de Galicia*, na súa páxina web oficial e nos rexistros públicos referidos, con expresión da entidade beneficiaria, a contía e a súa finalidade, na forma que determine o órgano competente.

LEXISLACIÓN APLICABLE - Orde do 24 de marzo de 2003 pola que se regulan para a Comunidade Autónoma de Galicia as probas de madurez e de carácter específico para o acceso a estas ensinanzas. - Resolución do 26 de maio de 2008, da Dirección Xeral de Formación Profesional e Ensinanzas Especiais, pola que se convocan probas de acceso ás ensinanzas deportivas para o curso 2008-2009.	(Para cubrir pola Administración) RECIBIDO _____ _____ REVISADO E CONFORME _____ _____	NÚMERO DE EXPEDIENTE _____ DATA DE ENTRADA ____/____/____ DATA DE EFECTOS ____/____/____ DATA DE SAIDA ____/____/____
SINATURA DO/DA SOLICITANTE OU PERSOA QUE O REPRESENTA Lugar e data _____, de _____ de 2008		

Director do centro

ANEXO III

I. Proba de madurez dos ciclos de grao medio das ensinanzas deportivas.

A proba de madurez constará das seguintes partes:

-Desenvolvemento por escrito, durante o tempo máximo dunha hora, das cuestións que se formulen sobre lingua galega a partir dun texto escrito.

Neste exercicio valorarase a madurez e o nivel de coñecementos sobre esta área propia do currículo da educación secundaria obrigatoria.

-Desenvolvemento por escrito, durante o tempo máximo dunha hora, das cuestións que se formulen sobre lingua castelá a partir dun texto escrito.

Neste exercicio valorarase a madurez e o nivel de coñecementos sobre esta área propia do currículo da educación secundaria obrigatoria.

-Desenvolvemento por escrito, durante un tempo máximo dunha hora, das cuestións que se formulen referidas a contidos socioculturais.

Neste exercicio valorarase a madurez e o nivel de coñecementos referidos ás ciencias sociais, das correspondentes áreas do currículo da educación secundaria obrigatoria.

-Desenvolvemento por escrito, durante un tempo máximo dunha hora, das cuestións que se formulen referidas a contidos científico-tecnolóxicos.

Neste exercicio valorarase a madurez e o nivel de coñecementos referidos ás matemáticas, ás ciencias da natureza e á tecnoloxía das correspondentes áreas do currículo da educación secundaria obrigatoria.

II. Proba de madurez dos ciclos de grao superior das ensinanzas deportivas.

-A proba de madurez versará sobre as materias comúns propias do currículo do bacharelato: lingua e literatura galega, lingua e literatura castelá, matemáticas e linguas estranxeiras. Cumprirá seleccionar tres das devanditas materias e desenvolver por escrito unha cuestión de entre dúas que se propoñan, de cada unha das tres elixidas. O tempo máximo para a súa realización será de tres horas.

Neste exercicio valorarase o grao de madurez da persoa aspirante en canto á correcta comprensión de conceptos, a utilización da linguaxe e a capacidade de análise e de síntese.

ANEXO IV

Composición do tribunal único que deberá xulgar as probas de madurez das ensinanzas deportivas para o curso 2008-2009:

Presidente: Fernando Fernández Fraga.

Secretario: José Francisco Serrallé Marzoa.

Vogais:

-Ricardo Luís Pita Fernández.

-Pilar Peñas Boleas.

-Luz Ares Fandiño.

-María Jesús González Regales.

Tribunal suplente:

Presidente: Manuel Guerra Fernández.

Secretario: Antón Porteiro Lago.

Vogais:

-Beatriz García Turnes.

-Manuel Díaz Pérez.

-Belén Santos Lago.

-Laura Morales López.

ANEXO V

1. Composición do tribunal único que deberá xulgar as probas de acceso de carácter específico ás ensinanzas deportivas en fútbol sala para o curso 2008-2009:

Presidente: Fernando Fernández Fraga.

Secretario: Miguel Aragón Fitera.

Vogais:

-José Manuel Rivas Casal.

-Juan Emilio Riveiro Rodríguez.

-Isidro Grela Mosquera

Tribunal suplente:

Presidente: Manuel Guerra Fernández.

Secretaria: María Paz Gago.

Vogais:

-Rubén Annichiarico Ramos.

-Francisco Javier Suárez Regueiro.

-Francisco Javier Marcos Olivares.

2. Composición do tribunal único que deberá xulgar as probas de acceso de carácter específico ás ensinanzas deportivas en fútbol para o curso 2008-2009.

Presidente: Fernando Fernández Fraga.

Secretario: Manuel Ángel Rodríguez Núñez.

Vogais:

-José Manuel Martínez Paz.

-Juan Emilio Riveiro Rodríguez.

-Antonio Alberto Villamayor Pérez.

Tribunal suplente:

Presidente: Manuel Guerra Fernández.

Secretaria: María Paz Gago.

Vogais:

-Rubén Annichiarico Ramos.

-Francisco Javier Suárez Regueiro.

-Francisco Javier Marcos Olivares.

3. Composición do tribunal único que deberá xulgar as probas de acceso de carácter específico ás ensinanzas deportivas en baloncesto para o curso 2008-2009:

Presidente: Fernando Fernández Fraga.

Secretaria: Dulce Díaz Porto.

Vogais:

-Vicente de Becerra Gil.

-Juan Emilio Riveiro Rodríguez.

-José Ramón Veiga Formiga.

Tribunal suplente:

Presidente: Manuel Guerra Fernández.

Secretaria: María Paz Gago.

Vogais:

-Rubén Annichiarico Ramos.

-Francisco Javier Suárez Regueiro.

-Francisco Javier Marcos Olivares.

4. Composición do tribunal único que deberá xulgar as probas de acceso de carácter específico ás ensinanzas deportivas en balonmán para o curso 2008-2009:

Presidente: Fernando Fernández Fraga.

Secretario: Ramón Pazos Solla.

Vogais:

-Emilio Pintos Soto.

-Juan Emilio Riveiro Rodríguez.

-Francisco Javier González García.

Tribunal suplente:

Presidente: Manuel Guerra Fernández.

Secretaria: María Paz Gago.

Vogais:

-Rubén Annichiarico Ramos.

-Francisco Javier Suárez Regueiro.

-Francisco Javier Marcos Olivares.

5. Composición do tribunal único que deberá xulgar as probas de acceso de carácter específico ás

ensinanzas deportivas en atletismo para o curso 2008-2009:

Presidente: Fernando Fernández Fraga.

Secretario: Eduardo Pérez Romero.

Vogais:

-Pilar Veiga Barbazán.

-Juan Emilio Riveiro Rodríguez.

-Santiago Cabado Estraviz.

Tribunal suplente:

Presidente: Manuel Guerra Fernández.

Secretaria: María Paz Gago.

Vogais:

-Rubén Annichiarico Ramos.

-Francisco Javier Suárez Regueiro.

-Francisco Javier Marcos Olivares.

CONSELLERÍA DO MEDIO RURAL

Orde do 29 de maio de 2008 pola que se establecen as bases reguladoras das axudas para o fomento da utilización de maquinaria e equipamentos agrarios en réxime asociativo en Galicia, e se convo-can para o ano 2008.

O impulso do emprego de novas tecnoloxías na mecanización e equipamento agrario, amparado en modelos de carácter asociativo, contribúe de forma decisiva a que as explotacións agrarias protagonicen un desenvolvemento do sector agrario e, en xeral, do medio rural que favorece unha evolución positiva e constante para afrontar novos retos de futuro.

A introdución de novas tecnoloxías na utilización de maquinaria agrícola e equipamentos ten unha repercusión moi positiva nas vertentes técnica, económica e ambiental das explotacións agrarias.

Tendo en conta a estrutura e dimensión da maioría das explotacións galegas, o elevado custo de adquisición da maquinaria e dos equipamentos, os altos custos de amortización que xera a utilización de maquinaria individualmente, entre outros atrancos, fai necesario o impulso de modelos de utilización de maquinaria e equipamentos de forma colectiva orientados a abordaren conxuntamente os traballos no eido agrícola, gandeiro e forestal, dado que o medio rural galego conforma un complexo que engloba frecuentemente estes tres sectores dentro da mesma unidade produtiva ou explotación.